

Mōn Wia Jori eo an Abuelo

Jān Ray Goldrup

Pedped wōt ioon juon bwebwenato emool

“Joļok bōd bwe aolep iien ejjab pidodo nān ba,”

(Al ko Al in Ajri, 98).

Miguel ej kōpeļļok kōjem eo ilo mōn wia jori eo an Abuelo (jimman). Ej et bwiin nuknuk eo Abuelo ej jermal kake. Ej juon iaan bwin ko enno ippān.

“Iakwe, Abuelo!”

Abuelo ej jillok im jiñaki neen armej eo wia ioon juon peba. Eaar jab relōntak. Ekar jab lukkuun emman an Abuelo roñ.

Miguel ekar jijjōt ilo juon jea in jermal. Ekar kalimjeke nuknuk ko rōllōn rej ekkarōk. Ej etōņake an Abuelo kōjermal kajjojo iaan nuknuk, ilo an kōjermal aņa im būlaer ko an.

Kein jermal ko ej kakeememej ļok Miguel kōn bar juon men eo ej iakwe. Aolep iien Abuelo ej leļok kijen Miguel tōņal ñe ej jipañ karreo.

Ak Miguel ekar kwōle kiiō! Ejeļā bwe ejjab aikuj in ebbōk mōñā ñe ejjab kajjitōk mōkta, ak eļak lale Abuelo enej boub iumwin jidik iien. “Bolen ijjab aikuj kōttar,” Miguel ekar ļomņak.

Miguel ekkar edded iumwin tebōļ eo im pukōt bato in tōņal ko. Ekar obrak kōn tōņal ko rennotata ippān—retōņal im bwil ippān chili pota! Ke ekar kōp-peļļoke, Miguel ekar eņjake an jidik mijak. Ak tōņan ko rekar lukkuuj kaijjōļjōļ. Ekar ekairir im likūti ilo ļōņiin.

Ejjab to jen iien eo armej eo ekar wia ekar etal. Abuelo ekar bōk juon mōttan nuknuk im jone ilo dān. Menin ej jipañ nuknuk kein bwe en emāeoeo im pidodo nān jerbale.

*“Ijela, kōjro
ej aikuj ainwōt
jori in,” Jimma
ekar ba.*



Miguel ekar mōkaj in wōt an warōnļok tōņal eo. Innām ekar etetalļok ñan ijo Abuelo ej ped ie.

“Iakwe!” Abuelo ekar ba kōn juon ettōndikdik. “Ij mōņōņō kōn am itok im lotok ña.”

Miguel ekar atbakwōje Abuelo. Ej kōjatdikdik bwe Abuelo eban jeļā ke emōj an kar mōñā tōņal. Miguel ekar joļok inepata eo.

“Ainwōt kolukkuun boub rainin ke,” Miguel ekar ba, ilo an jītōnļok nuknuk ko. “Kwoj ke aikuj jipañ?”

“Iññā! Komārōn ke jibwe tok tōreej ñe?”

Miguel ekar kajjieoñ jibwe tōreej aitok eo. Ej likoje ñan kōtaan pein. Ekar lukkuun pen.

“Wow, elukkuun kajoor.”

Abuelo ej ettōñ. “Ej aikuj in, bwe en mārōn to an pād.” Abuelo ej kanōke tōreej eo ibōlōn nuknuk eo. Innām ej kōmņane mejān ainwot an mama ba jet iien “Rimeletlet Abuelo” reitok.

“Kojelā, kōjro ej aikuj ainwōt jori in,” Abuelo ekar ba im emajadjad.

Miguel ekar kadik mejān ñan nuknuk in. “Um. Jej aikuj?”

“Aet, ejimwe. Jej aikuj kajoor. Bwe kapo ko an Setan ren jab kōmņan men in ad wotļok.”

Tōņal eo ebūroero ekar itok ñan ļomņak eo an Miguel. Ejeļā bwe ej aikuj ba ñan Abuelo kake.

Aubelo ekar letok juon jori emor jān jāļōb eo ilōñ. “Kwoj ke loe rōn in ekilep?”

Miguel emarōñ kar likūt pein ilo rōñ in. “Aet.”

“Rōñ ekar dik emarōñ kar pidodo ad kōmņane. Ak rekar kōttar, im kiiō enaaj pen ñan kōmņane. Imminene ko renana im kālet ko rebōd rej ainwōt rōñ in. Emmanļok ñe jenaaj kōmņane iien eo emōkajtata.

Abuelo ekar bar emajadjad, im Rimeletlet Abuelo ekar bar ettōndikdik. Rekar bwebwenato ilo an Abuelo jermal. Aolepān iien eo, Miguel ekar ļak ļomņake tōņal būroero eo.

Ke ekar mōj an Abuelo jermal, Miguel ekar jipañ e karreo. Innām Abuelo ekar jibwetok nien tōņal eo. Aļiktata Miguel ekar jab maroñ dāpiji. “Ikar bok juon tōņal!” ekar buuļ ba.

Abuelo ekar likūt nien tōņal eo laļ. “Ta eo kwoj ba?”

Miguel ekar ba kōn an kar ebōk tōņal ak ekar jab kajjitōk. “Joļok ao bōd, Abuelo! “Iban bar kōmņane, ij kalimuur!”

Abuelo ekar atbakwōje Miguel. Miguel ekar emman an mour.

“Komņool kōn am kwaļok mool. Aorōkļok menin in ippa jān aolep men.”

“Ilo ial eo ļok ñan mweo, Miguel ekar eņjake ainwōt jori ko rekāal an Abuelo. Kajoor im pojak ñan mour in! ■

Rijeje eo ej jokwe ilo Utah, USA.



JUON EŅJAKE EMMAN

Juon raan ña im māmā kōm kar etal im kōļā wōñāñ dān, im emņaan eo iņaan ekar wōtļok jāñ ko an ak ekar jab jeļā. Ikar ekairir im kōrōle ñan e. Ekar ba, “Komņooltata” im ba bwe ejjeļok bar juon ajri emarōñ kar kōmņane ejja wāween eo ikar kōmņane. Ekar lukkuun emman aō mour iien eo. Inaaj kakeememej eņjake eo.

Brianna C., iio 9, Idaho, USA